

# Pauane

*Arbeau.*

La pauane est facile à dancier, car il n'y a que deux simples & vn double, en marchant & sauanceât. et deux simples & vn double en reculant & desmarchant : Et se ioue par meure binaire. Et notterez qu'en la dancier, lesdits deux simples & le dit double de l'aduance, se commencent par le pied gauche: et lesdits deux simples & le double de la desmarche, se commencent par le pied droit.

*Capriol.*

Le tabourin d'oc & autres instruments y sont huit battes & mesures en marchant, & huit mesures en desmarchant.

*Arbeau.*

Il est ainsi : Et si on veut on ne recule point, & marche lon toujours auant.

*Capriol.*

Le battement du tabourin pour la pauane, est il comme pour la basse-dance?

*Arbeau.*

Il est binaire, consistant d'une minime blanche & de deux noires, en ceste façon:



*Capriol.*

Je treuve ces pauanes & basse-dances belles & graues, & bie seantes aux personnes honorables, principalement aux dames & damoiselles.

*Arbeau.*

Le Gentil-homme la peut dancier ayant la cappe & lespees: Et vous autres vestuz de voz longues robes, marchants honnestement avec vne grauité posee. Et les damoiselles avec vne contenance humble, les yeux baissés. regardans quelques fois les assistans avec vne pudeur virginalc. Et quant à la pauane, elle sert aux Roys, Princes & Seigneurs graues, pour se monstrer en quelque iour de festin solemnel, avec leurs grands manteaux & robes de parade. Et lors les Roynes, Princeses, & Dames les accompagnent les grands quelies de leurs robes abaissées & trailnans, quelques fois portees par damoiselles. Et sont lesdites pauanes iouees par haulbois & saqueboutes qui l'appellent lo grand bal, & la font durer iusques à ce que ceux qui dancent ayent circuit deux ou trois tours la salle: si miculx ils n'ayment la dancier par marches & desmarches. On se sert aussi desdites pauanes quant on veut faire entrer en vne mascarade charlots triumpantz de dieux & deesses, Empereurs ou Roys plains de maiesté.

Pauane à quatre parties: avec les mesures & battemens du tambour,

